




09677

馮恭定全書卷二十一

關學編



長安馮從吾仲好著



理學一脉其盛衰關世運高下然自東周以還  
聖如孔子危于無位不得行所學徒與弟子講  
業于洙泗之濱晚而贊易序書刪詩修春秋定  
禮樂以俟後賢令斯道不終墜所謂聖人既往  
道在六經也孟子紹之皇皇救世所如不合徒  
託空言今所存僅七篇遺書耳又下至于秦

馮少墟集

卷廿一

關學

佛于東漢宋梁陳唐若控于晉經陽關言學又  
誕幻至功利之習溺文辭之尚牽漸靡成風末  
流莫挽蓋不知理如何學如何矣宋自濂溪倡  
明絕學而關中有橫渠出若河南二程新安朱  
子後先崛起皆以闡聖真翼道統為己任然後  
斯道粲然復明關中故文獻國自橫渠迄今又  
五百餘歲矣山川深厚鍾為偽彥潛心理學代  
有其人迨我

明道化翔洽益興起焉如涇野則九稱領袖者

侍御馮仲好氏關中人也弱冠即志聖道通籍  
不數載以言事歸山中閑暇日惟講求正學排  
斥異端為惓惓所著關學編四卷始于橫渠訖  
于秦關計姓字三十三雖諸君子門戶有同異  
造詣有淺深然皆不詭于道設在聖門當所嘉  
與者簡冊兼收詎不宜也其書以關學名為關  
中理學而輯表前修風後進用意勤矣余不肖  
嚮往古昔有年且居子游之鄉產晦菴之里彬  
彬名儒不一而足未任博稽精論故中好體裁

馮少墟集

卷廿一

關學

二

次為成書坐視先哲遺蹟放失媿矣罪矣仲好  
有此舉嘆服良久遂屬長安楊令募工梓之用  
公同志蓋理為人人具足之理學為人人當講  
之學編內諸君子其力學以明理明理以完性  
皆人人可企及者非絕德也由諸君子而遡孔  
孟是在龜勉不息哉衡雖魯敢與同志共勗之  
萬曆戊申八月念八日新安後學余懋衡書于  
朝邑之貞肅堂

關學編者侍御史馮仲好集關西之為理學者

也其為孔子弟子者四人學無所考于宋得九人于金得一人于元得八人于明得十五人諸附見者不與焉皆述其學之大畧為小傳授受源委可推求也夫伏羲畫卦為闢西萬世理學祖至周有文武周公父子兄弟號稱極盛周之後置他閏位不論西漢李唐有天下最久無能為理學者至宋乃始有周程三先生興於濂洛而張子厚先生崛起關西與之營道同術合志同方蓋當是時禪教大行先生少亦嘗從事

馮少墟集

卷廿一

關學

三

于斯久之悟而反正以為佛門千五百年使英才間氣生則溺耳目恬習之事長則師世儒宗尚之言因謂聖人可不脩而至大道可不學而知人倫不察庶物不明上無禮以防其偽下無學以稽其弊詖淫邪遁亂德害治其持論深切著明如此信乎所謂獨立不懼精一自信有大過人之才者矣程子謂博聞強識之士鮮不入於禪卓然不惑惟子厚與邵堯夫范景仁司馬君實豈不難哉同子厚游二程門如游定夫以

克己與四勿不相涉呂與叔以喜怒哀樂未發  
由空而後中揚中立因而執之謝顯道以知覺  
為仁四先生且然况其他乎呂微仲表子厚墓  
稱學者苦聖人之微而珍佛之易入橫渠不必  
以佛老合先王之道則子厚先生著書立言攘  
斥異學生平所苦心極思幾不白於世矣迨其  
後也為湖慈湖輩出而周程張朱之學日為所  
晦缺然關西諸君子尚守鄆縣宗指近代學者  
左朱右陸德靖之闢天下靡然從之關西大儒

馮少菴集

卷廿一

開學編

四

亦所不免明聖學正人心扶世教身得起子厚  
於九京而揚於之執仲好之為是編也直以子  
厚承洙泗汲公畧見進伯傳後雖鄉里後進未  
可顯斥先正之過其學術醇疵臚列祀分以俟  
夫人之自擇而毫釐千里之差隄防界限之嚴  
詳于辯學疑思二錄中要之以子厚為正故關  
學明而濂洛以下戴陽之學明濂洛以上羲文  
周孔之學亦明矣余謂仲好有遠慮焉有定力  
焉有兼善之量焉有繼往之功焉若夫侈說其

鄉人以為游談者譽造作者程非仲好意也

大泌山人李維楨本寧父

我關中自古稱理學之邦文武周公不可尚已  
有宋橫渠張先生崛起郿邑倡明斯學皐比勇  
撤聖道中天先生之言曰為天地立心為生民  
立命為往聖繼絕學為萬世開太平可謂自道  
矣當時執經滿座多所興起如藍田武功三水  
名為尤著至于勝國是乾坤何等時也而奉元  
諸儒猶力為撐持塤吹篳和濟濟在雖橫渠遺  
馮少墟集 卷廿一 關學編 五  
風將絕復續天之未喪斯文也豈信然也哉迨  
我

皇明益隆斯道化理熙洽真儒輩出皐蘭初起  
厥力尤韞璞玉渾金精光含歛令人有有餘不  
盡之思鳳翔以經術教授鄉里真有先進遺風  
小泉不繇文字超悟于行伍之中亦足奇矣司  
徒步趨文清允稱高弟在中顯思履繩蹈矩之  
死靡他至于康僖上承庭訓下啟光祿而光祿  
與宗伯司馬金石相宣鈞天並奏一時學者歛

然嚮風而闡中之學益大顯明于天下若夫集諸儒之大成而直接橫渠之傳則宗伯尤為獨步者也宗伯門人幾徧海內而梓里惟工部為速肖元善篤信文成而毀譽得失屹不能斂其真能致良知可知侍御直節精忠有光斯道博士甘貧好學無愧藍田嗚呼盛矣學者頌仰古今必折衷于孔氏諸君子之學雖繇入門戶各異造詣淺深或殊然一脉相承千古若契其不詭于吾孔氏之道則一也余不肖私泚有日頃

馮少墟集

卷廿一

關學編

六

山中無事取諸君子行實僭為纂次題曰關學編聊以識吾關中理學之大畧云嗟夫諸君子往矣程子不云乎堯舜其心至今在夫堯舜其心至今在諸君子其心至今在也學者能誦詩讀書知人論世恍然見諸君子之心而因以自見其心則靈源濬發一念萬年橫渠諸君子將旦莫遇之矣不然而徒品隲前哲庸曉口耳則雖起諸君子與之共晤一堂何益哉

萬曆歲在丙午九月朔日長安後學馮從吾書

于靜觀堂

關學編凡例

一是編專為理學輯故歷代名臣不敢泛入真

一理學如秦子南燕子惡壤駟子從石作子明

俱孔門高弟第事蹟多不詳故另列小傳于

前而編中斷自橫渠張子始

一次序各以時代庶古今不相混淆

一宋元諸儒有史傳諸書可考不佞稍為纂次

十五仍舊至 國朝諸儒中多借妄論著文

馮少墟集

卷廿

關學編

七

之工拙不卹也

一國朝諸儒特錄其所知蓋棺論定者其所未

知者姑闕之以俟

關學編首卷

秦子

秦子名祖字子南秦人

一統志西安府

孔門弟子篤于

守道唐佺宗追封少梁伯從祀孔子廟庭宋真

宗加封鄆城侯

國朝嘉靖中改稱先賢秦子

宋高宗贊曰秦有子南贊贊述作守道之淵成



德之博範若鑄金契猶發藥歷世明祀少梁竈

爵聖門人物志末二句作紛華不撓靡我好爵

聖門九遊久野楚美

燕子名級字子思秦人一作沂孔門弟子

唐玄宗追封漁陽伯從祀孔子廟庭宋真宗加

封沂源侯國朝嘉靖中改稱先賢燕子宋陳

知微贊曰八九之徒具傳大義賢哉子思道本

無愧鍾靈咸鎬浴德洙泗增封沂源皇澤斯被

聖門人物志贊曰師席高振大成是集道傳一

馮少墟集

卷廿一

關學編

八

貫速肖七十善教云表儒風可立漁陽之士得

跂而及

石作子

石作子名蜀字子明秦之成紀人一統志鞏州

門弟子唐玄宗追封石邑伯從祀孔子廟庭宋

真宗加封成紀侯國朝嘉靖中改稱先賢石

子宋高宗贊曰在昔石邑能知所尊懋依有德

克述無言鼓篋槐市場名里門此道久視彼美

常存按姓氏英賢傳有石作蜀氏族畧複姓篇

有石作氏注云石作蜀孔子弟子據此當稱石  
作子稱石子者誤

壤駟子

壤駟子名赤字子從

家語壤作穰秦人一統志西安府

孔門弟子唐玄宗追封北徵伯從祀孔子廟庭

宋真宗加封上却侯

國朝嘉靖中改稱先賢

壤子宋高宗贊曰式是壤侯昭乎聖徒執經請

益載道若無詩書規矩問學楷模得時而駕領

袖諸儒按通志畧壤駟氏複姓今稱壤子誤

馮少墟集

卷北

關學編

九

關學編目錄

卷一

宋

橫渠張先生載

天祺張先生載

進伯呂先生大忠

和叔呂先生大鈞

與叔呂先生大臨

李明蘇先生晒

吳之范先生

育

師聖侯先生

仲良

天水劉先生

愿

卷二

金

君美楊先生

天德

元

紫陽楊先生

與

元甫楊先生

恭懿

鑑山宋氏規附

馮少墟集

卷廿一

維斗蕭先生

與

開學編

伯克呂氏盛附

寬甫同先生

恕

從善韓先生

揮

伯仁侯先生

均

士安第五先生

居仁

悅古程先生

瑁

橫渠張先生

先生名載字子厚郿人為入志氣不羣少孤自立無所不學喜談兵至欲結客取洮西之地年十八以書謁范文正公公一見知其遠器欲成就之乃謂之曰儒者自有名教可樂何事于兵因勸讀中庸先生讀其書遂翻然志于道已猶以為未足又訪諸釋老累年盡究其說知無所得反而求之六經嘗坐虎皮講易京師聽從者甚衆一夕程伯淳正叔二先生至與論易二先

馮少墟集

卷廿一

開學編

十一

生于先生為外兄弟之子卑行也而先生心服之次日語人曰比見二程深明易道吾所弗及汝輩可師之即撤坐輟講與二程論道學之要渙然自信曰吾道自足何事旁求於是盡棄異學淳如也文潞公以故相判長安聞先生名行之美以東帛聘延之學宮禮重之命士子矜式焉嘉祐二年舉進士為祁州司法參軍遷雲巖縣名在宜川今廢縣西北今廢令政事以敦本善俗為先每月吉具酒食召父老高年者會于縣庭親勸酬之使

人知養老事長之義因訪民疾苦及告所以訓  
戒子弟之意有所教告常患文檄之出不能盡  
達于民每召鄉長于庭諄諄口諭使往告其里  
閭閻有民因事至庭或行遇于道必問其時命  
其告其事聞否聞即已否則罪其受命者故教  
命出雖僻壤婦人孺子畢與聞俗用翕然熙寧  
初遷著作佐郎簽書渭州軍事判官御史中丞  
呂晦叔公著薦先生于朝曰張載學有本原西  
方之學者皆宗之可以召對訪問上召見問治

馮少墟集

卷廿一

關學編

三

道對曰為治不法三代者終苟道也上說之曰  
卿宜日見二府議事朕且將大用卿先生謝曰  
臣自外官赴召未測朝廷新政所安願徐觀旬  
月繼有所獻上然之他日見執政王安石安石  
謂曰新政之更懼不能任事求助于予何如先  
生曰朝廷將大有為天下之士願與下風若與  
人為善則孰敢不盡如教玉人追琢則人亦故  
有不能執政默然所語多不合寢不悅既命校  
書崇文辭未得請復命按獄浙東程伯淳時官

御史裏行爭曰張載以道德進不宜使治獄安石曰淑問如臯陶猶且讞囚此庸何傷命竟下實疏之也獄成還朝會弟御史天祺及伯淳並以言得罪乃移疾西歸屏居橫渠橫渠至僻陋僅田數百畝供歲計人不堪其憂先生約而能足處之裕如終日危坐一室左右簡編俯而讀仰而思有妙契雖中夜必取燭疾書嘗謂門人曰吾學既得諸心則修其辭命辭命無差然後斷事斷事無失吾乃沛然蓋其志道精思未始

馮少墟集

卷廿一

關學編

十四

須臾息亦未嘗須臾忘也學者有問多告以知禮成性變化氣質之道學必如聖人而後已以為知人而不知天求為賢人而不求為聖人此秦漢以來學者之大弊也故其學以易為宗以中庸為體以禮為的以孔孟為法窮神化一天人立大本斥異學自孟子以來未之有也世近世喪祭無法喪僅隆三年期以下恬未有衰麻之變祀先之禮用流俗節序祭以褻不嚴於是勉修古禮為薄俗倡菴功而下為製服輕重如

儀實始行四時之薦曲盡誠潔教童子以灑掃  
應對給侍長者女子未嫁者必使觀于祭祀納  
酒漿以養遜弟而就成德嘗曰事親奉祭豈可  
使人為之聞者始或疑笑終乃信而從之相倣  
復古者甚衆關中風俗為之大變熙寧九年秦  
鳳帥呂微仲大防薦之曰張載之學善發聖人  
之遺意其術畧可措之以復古宜還舊職訪以  
治體詔從之召同知太常禮院及至都公卿聞  
風爭造然亦未有深知之者以所欲言嘗試於  
馮少墟集

卷廿一

關學編

七

人多未之信會言者欲講行冠昏喪祭禮詔下  
禮官議禮官徃故常以古今異俗為說先生力  
爭之不能得適三年郊禮官不致嚴力爭之又  
不得先生知道之終不行也復謁告歸中道而  
疾病抵臨潼卒年五十八貧無以歛門人共買  
棺奉其喪還翰林學士許將言其恬于進取乞  
加贈卹詔賜館職賻先生氣質剛毅望之儼然  
與之居久而日親勇于自克人未信惟反躬自  
艾即未喻安行之無悔也聞風者服義不敢以

私于之居恒以天下為念聞皇子生喜見顏面  
行道見饑殍輒咨嗟對案不食者終日聞人善  
輒喜答問學者雖多不倦有不能者未嘗不開  
其端行游所至必訪人才有可語者必丁寧以  
誨之惟恐其成就之晚雖貧不能自給而門人  
無貧者輒麤糲與共嘗慨然有志三代之治論  
治人先務未始不以經界為急以為仁政必自  
經界始貧富不均教養無法雖欲言治皆苟而  
已方欲與學者買田一方畫為數井上不失公

馮少墟集

卷廿一

關學編

六

家之賦役退以其私正經界分宅里立欽法廣  
儲蓄興學校成禮俗救蓄恤患敦本抑末足以  
推先王之遺法明當今之可行有志未就而卒  
始先生為學亦頗秘之不多以語人曰學者雖  
復多聞不務蓄德祗益口耳無為也程伯淳聞  
之曰道之不明久矣人善其所習自謂至足必  
欲如孔門不憤不啓不悱不發則師資勢隔而  
先王之道或幾乎熄矣趨今之時且當隨其資  
而誘之雖識有明暗志有淺深亦各有得而亮



舜之道庶可馴至也先生用其言故關中學者躬行之多與洛人並歷數世不衰先生所著書曰正蒙嘗自言吾為此書譬之樹株根本枝葉莫不悉備充榮之者其在人功而已又如晬盤示兒百物具在願取者何如耳書成揭書中乾稱篇首尾二章實在左右曰訂頑曰砭愚已程正叔改曰西銘東銘其西銘曰乾稱父坤稱母予茲藐焉乃泯然中處故天地之塞吾其體天地之帥吾其性民吾同胞物吾與也大君若吾

馮少虛集

卷廿一

關學編

七

父母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾憊獨鰥寡皆吾兄弟之顛連而無告者也于時保之子之翼也樂且不憂純乎孝者也違曰悖德害仁曰賊濟惡者不才其踐形惟肖者也知化則善述其事窮神則善繼其志不愧屋漏為無忝存心養性為匪懈惡旨酒崇伯子之顧養育英才頴封人之錫類不弛勞而底豫舜其功也無所逃而待烹申生其

恭也體其受而歸全者參乎勇于從而順令者  
伯奇也富貴福澤將厚吾之生也貧賤憂戚庸  
玉汝于成也存吾順事沒吾寧也程正叔謂西  
銘明理一而分殊擴前聖所未發與孟子性善  
養氣之論同功又謂自孟子後未見此書先生  
學古力行篤志好禮為關中士人宗師世稱為  
橫渠先生門人私謚曰誠明朱文公贊曰早悅  
孫吳晚逃佛老勇撤臯比一變至道精思力踐  
妙契疾書訂頑之訓示我廣居理宗淳祐初謚  
馮少墟集

卷廿一

關學編

六

明公封郡伯從祀孔子廟庭 國朝嘉靖九年  
改稱先儒張子

天祺張先生

先生名戩字天祺橫渠先生季弟少而莊重老  
成長而好學不喜為雕蟲之辭以從科舉父兄  
敦迫諭以為貧乃強起就鄉貢既冠登進士第  
調陝州閩縣主簿移鳳翔普潤縣令改秘書省  
著作佐郎知陝州靈寶渠州流江懷安車金堂  
縣事轉太常博士熙寧二年為監察御史裏行

明年以言事出知公安縣改陝州夏縣轉運使  
舉監鳳翔司竹監熙寧九年卒年四十有七先  
生歷治六七邑誠心愛人而有術以濟之力行  
不急所至皆有顯效視民之不得其所若已致  
之極其智力必濟而後已嘗攝令華州蒲城蒲  
城劇邑民悍使氣不畏法令鬪訟寇盜倍蕪它  
邑先是令長以峻法治之姦愈不勝先生悉寬  
條禁有訟至庭必以理敦諭使無犯法間召父  
老使之教督子弟服學省過作記善簿民有小

馮少墟集

卷廿一

關學編

七

善悉以籍之月吉以俸錢為酒食召邑之高年  
聚于縣廨以勞之使其子孫侍因勸以孝弟之  
道不數月邑人化之獄訟為衰為御史每進對  
必以堯舜三代進于上前惻怛之愛無所遷避  
其大要啓君心進有德謂反經正本當自朝廷  
始不先諸此而治其末未見其可也累章論王  
安石亂法乞罷條例司及追還常平使者劾曾  
公亮陳升之依違不能救正韓絳左右徇從與  
為死黨李定以邪譎竊臺諫呂惠卿刻薄便給

假經術以文奸言豈宜勸講君側又詣中書省  
爭之安石舉扇掩面而咲先生曰戩之任直宜  
為公咲然天下之咲公不少矣章十數上卒不  
納乃嘆曰茲未可以已乎遂謝病待罪卒罷言  
職既出知公安未嘗以諫草示人不說人以無  
罪天下士大夫聞其風者始則聳然畏之終乃  
服其厚自公安改知夏縣縣素號多訟先生待  
以至誠反復教諭不逆不億不行小惠訟者往  
往叩頭自引未幾靈寶之民遮使者車請曰今

馮少墟集

卷廿一

關學編

二十

夏令張公乃吾昔日之賢令也願使君哀吾民  
乞張公還舊治使者欣然聽其辭而言于朝去  
之日遮道送不得行父老曰昔者人以吾邑之  
人無良喜訟自公來民訟幾希是惟公知吾邑  
民之不喜訟也言已皆泣下徙監司竹監舉家  
不食筭其清慎如此先生篤實寬裕儼然正色  
雖喜愠不見于容然與人居溫厚之意久而益  
親終日言未嘗不及于義接人無貴賤踈戚未  
嘗失色于一人樂道人之善而不及其惡樂進

已之德而不事無益之言其清不以能病人其  
和不以物奪志常雞鳴而起勉勉矯強任道力  
行每若不及德大容物沛若有餘常自省小有  
過差必語人曰我知之矣公等察之後此不復  
爲矣重然諾一言之欺以爲己病少孤不得事  
親而奉其兄以弟就養無方極其恭愛推而及  
諸族姻故舊罔不周恤有妹寡居子不克家先  
生力爲經其家事有一二故人死不克葬十餘  
年先生惻然不安即其知識合力聚財乃克襄  
馮少墟集

卷廿一

關學編

廿一

事篤行不苟爲一時師表橫渠先生嘗語人曰  
吾弟德性之美吾有所不如其不自儆而勇于  
不屈在孔門之列宜與子夏後先晚而講學而  
達又曰吾弟全器也然語道而合乃自令始有  
弟如此道其無憂乎關中學者稱爲二張云

進伯呂先生

先生名大忠字進伯其先汲郡人祖通太常博  
士父黃比部郎中通葬藍田子孫遂爲藍田人  
先生登皇祐中進士爲華陰尉晉城令未幾提

督永興路義勇改秘書丞簽書定國軍判官熙  
寧中王安石議遣使諸道立緣邊封溝進伯與  
范育被命俱辭行進伯陳五不可以為懷撫外  
國恩信不洽必致生患罷不遣令與劉忱使遼  
議代北地會遭父喪起復知代州遼使至代設  
次據主席先生與之爭乃移次于長城北遼使  
竟屈已而復使求代北地神宗將從之先生曰  
彼遣一使來即與地五百里若使魏王英弼來  
求闕南則何如神宗曰卿是何言也劉忱曰大

馮少墟集

卷廿一

關學編

廿二

忠之言社稷大計願陛下熟思之執政知其不  
可奪議竟不決罷忱還三司先生亦終喪制其  
後竟以分水嶺為界馬元豐中為河北轉運判  
官徙提點淮西刑獄尋詔歸故官元祐初歷工  
部郎中陝西轉運副使知陝州以直龍圖閣知  
秦州進寶文閣待制紹聖二年加寶文閣直學  
士知渭州後汲公及黨禍乞以所進官為量移  
徙知同州旋降待制致仕卒詔復學士官佐其  
葬知秦州時馬涓以狀元為州簽判初呼狀元

先生謂之曰狀元云者及第未除官之稱也既  
為判官則不可令科舉之學既無用修身為己  
之學不可不勉又時時告以臨政治民之道清  
自為得師後為臺官有聲每嘆曰呂公教我之  
恩也謝上蔡時教授州學先生每過之聽謝講  
論語必正襟歛容曰聖人之言行在焉吾不敢  
不肅先生為人質直不妄語動有法度從程正  
公學正公稱曰呂進伯可愛者而好學理會直  
是到底所著有朝川集五卷奏議十卷弟大防  
馮少墟集

卷廿一

關學編

廿三

大鈞大臨兄弟四人皆為一時賢者世無不高  
之大防字微仲進士及第元祐初以左僕射同  
范純仁相垂簾聽政者八年能使元祐之治比  
隆嘉祐封汲郡公紹聖初貶舒州行至虔州信  
豐薨紹興初贈太師宣國公謚正愍

和叔呂先生

自序

先生名大鈞字和叔大忠弟嘉祐二年中進士  
乙科授秦州司理叅軍監延州折博務改光祿  
寺丞知三原移巴西又移知候官以薦知涇陽

皆不赴丁外艱服除自以道未明學未優曰吾斯之未能信於是不復有祿仕意家居講道以教育人才變化風俗期德成而致用又之以大臣薦為諸王宮教授當獻文作天下一家中國一人論上尋監鳳翔船務制改宣義郎會伐西夏鄜延轉運司檄為從事既出塞轉運使李稷餽餉不繼欲還安定取糧使先生請于梓諤諤曰吾受命將兵安知糧道萬一不繼君稷來與一劔耳先生即曰朝廷出師去塞未遠遂斬轉

馮少墟集

卷十一

關學編

古

運使無君父乎諤意折彊謂先生曰君欲以此報稷先稷受禍矣先生怒曰公將以此言見恐耶吾委身事主死無所辭正恐公過耳諤見其直乃好謂曰子乃爾耶今聽汝矣始許稷還是時微先生盛氣誚諤稷且不免未幾以疾卒於官年五十有二先生為人質厚剛正初學於橫渠張子又卒業於二程子以聖門事業為己任識者方之季路先生於橫渠為同年友及聞學遂執弟子禮時橫渠以禮教為學者倡後進蔽



于習尚其才俊者急于進取昏塞者難于領解  
寂寥無有和者先生獨信之不疑毅然不恤人  
之非問已也潛心玩理望聖賢尅期可到日用  
躬行必取先王法度以為宗範居父喪哀麻歛  
奠比虞祔一襲之于禮已又推之冠婚飲酒相  
見慶弔之事皆不混習俗與兄進伯微仲弟與  
叔率鄉人為鄉約以敦俗其畧云德業相勸過  
失相規禮俗相交患難相卹節文燦然可觀自  
是關中風俗為之一變橫渠嘆秦俗之化和叔  
馮少墟集

卷廿一

關學編

廿五

有力又嘆其勇為不可及而程正公亦稱其任  
道擔當其風力甚勁云先生少時瞻學洽聞無  
所不該嘗言始學必先其所知而已若夫道  
德性命之際惟躬行久則至焉橫渠謂學不造  
約雖勞而艱于進德且謂君勉之當自悟至是  
博而以約渙然氷釋矣故比他人功敏而得之  
尤多其與人語必因其所可及而喻諸義洽經  
說得于身踐而心解其文章不作于無用能守  
其師說而踐履之尤喜講明井田兵制謂治道

必自此始悉撰次為圖籍使可見之行曰如有  
用我舉而措之而已其卒也范巽之表其墓曰  
誠德君子又曰君性純厚易直強明正亮所行  
不二于心所知不二于行其學以孔子下學上  
達之心立其志以孟子集義之功養其德以顏  
子克己復禮之用厲其用其要歸之誠明不息  
不為衆人沮之而疑小辨奪之而屈勢利劫之  
而回知力窮之而止其自任以聖賢之重如此  
當先生卒時妻种氏治先生喪一如先生治比

馮少墟集

卷廿一

關學編

共

部公喪諸委巷浮圖事一屏不用子義山能傳  
其學人以為道行于妻子云所著有四書註誠  
德集其鄉約鄉儀朱文公表章之行于世鄉約  
今為令甲

與叔呂先生

先生名大臨字與叔號芸閣大鈞弟以門蔭入  
官不復應舉或問其故曰某何敢揜祖宗之德  
元祐中為太學博士秘書省正字嘗論選舉曰  
立士規以養德厲行更學制以量才進藝定試

法以區別能否修辟法以興能備用嚴舉法以覈實得人制考法以責任考功范學士祖禹薦其修身好學行如古人可為講官未及用而卒先生學通六經尤邃于禮每欲掇習三代遺文舊制令可行不為空言以拂世駭俗少從橫渠張先生游橫渠歿乃東見二程先生卒業焉與謝良佐游酢楊時在程門號四先生純公語之以識仁先生默識深契豁如也作克己銘以見意其文曰凡厥有生均氣同體胡為不仁我則

馮少墟集

卷廿一

關學編

七

有已立已與物私為町畦勝心橫生擾擾不齊大人存誠心見帝則初無吝驕作我蝨賊志以為帥氣為卒徒奉辭于天誰敢侮予且戰且來勝私室愆昔焉寇讎今則臣僕方其未克窹我室廬婦姑勃磈安取其餘亦既克之皇皇四達洞然八荒皆在我闥孰曰天下不歸吾仁癢痾疾痛舉切吾身一日至之莫非吾事頗何人哉歸之則是始先生博極羣書能文章已涵養深醇若無能者賦詩云學如元凱方成癖文似相

如始類俳獨立孔門無一事只輸顏子得心齋  
婦翁張天祺語人曰吾得顏回為壻矣而其學  
尤嚴于吾儒異端之辨富文忠公弼致政于家  
為佛氏之學先生與之書曰古者三公無職事  
惟有德者居之內則論道于朝外則主教于鄉  
古之大人當是任者必將以斯道覺斯民成已  
以成物豈以爵位進退體力盛衰為之變哉今  
大道未明人趨異學不入于莊則入于釋疑聖  
人為未盡善輕理義為不足學人倫不明萬物

馮少墟集

卷廿

關學編

廿

慙悴此老成大人惻隱存心之時以道自任振  
起壞俗在公之力宜無難矣若夫移精變氣務  
求長年此山谷避世之士獨善其身者所好豈  
世之所以望于公者哉弼謝之正公嘗曰與叔  
守橫渠說甚固每橫渠無說處皆相從有說了  
更不肯回又曰與叔六月中來緱氏間居中某  
常窺之見其儼然危坐可謂敦篤矣又曰和叔  
任道擔當其風力甚勁然深潛鎮密有所不逮  
於與叔其見重如此所著有大學中庸解攷古

圖王溪集所述有東見錄錄二程先生語二先生微言粹語多載錄中其有功于程門不小故朱文公稱其高於諸公大段有筋骨而又惜其早死云

季明蘇先生

先生名昞字季明武功人同邑人游師雍師橫渠張子最久後又卒業于二程子時尹焞彥明方業舉造之先生謂曰子以狀元及第卽學乎唯復科舉之外更有所謂學乎彥明未達一日

馮少墟集

卷廿一

關學編

廿九

先生因會茶舉盞以示曰此豈不是學彥明大悟先生令詣程門受學焉元祐末呂進伯大忠薦曰臣某伏見京兆府處士蘇昞德性純茂強學篤志行年四十不求仕進從故崇文校書張載學爲門人之秀秦之賢士大夫亦多稱之如蒙朝廷擢用俾充學宮之選必能盡其素學以副朝廷樂育之意乃自布衣召爲太常博士後坐元符上書入黨籍編管饒州行過洛館彥明所伊川訪焉旣行伊川謂季明殊以遷貶爲意

彥明曰然焯嘗問李明當初上書為國家計邪  
為身計邪若為國家計自當忻然赴饒州若為  
進取計則饒州之賢猶為輕典李明以焯言為  
然先是橫渠正蒙成先生編次而序之自謂最  
知大旨熙寧九年橫渠過洛與二程子論學先  
生錄程張三子語題曰洛陽議論朱文公表章  
之行于世今刻二程全書中

異之范先生

先生名育字異之三水人父祥進士及第累官

馮少墟集

卷廿一

關學編

三

轉運副使以邊功追贈秘書錄其後先生舉進

士為涇陽令以養親謁歸有薦之者召見授崇

文校書監察御史裏行神宗喻之曰書稱聖讒

說殄行此朕任御史意也先生請用大學誠意

正心以治天下國家因薦張載等數人西夏入

環慶詔先生行邊坐劾李定親喪匿服出知韓

城父之晉知河中府加直集賢院徙鳳翔以直

龍圖閣鎮秦州元祐初召為太常少卿改光祿

卿出知熙州今臨時議棄質孤勝如兩堡先生

爭之曰熙河以蘭州爲要塞此兩堡者蘭州之  
蔽也棄之則蘭州危蘭州危則熙河有腰膂之  
憂矣又請城李諾平汝遮川田趙充國屯田  
古榆塞之地也不報入爲給事中仕終戶部侍  
郎卒紹興中採其抗論棄地西夏及進築之策  
贈寶文閣學士先生從程張三先生學伊川嘗  
曰與范巽之語聞而多礙者先人也橫渠嘗語  
先生曰吾輩不及古人病源何在先生請問橫  
渠曰此非難悟設此語者欲學者存之不忘庶  
馮少墟集

卷廿一

關學編

世

將心深久有一日脫然如大寐得醒耳橫渠正  
蒙成先生序曰張夫子之爲此書也有六經之  
所未載聖人之所未言蓋道一而已語上極乎  
高明語下涉乎形器語大至于無間語小入于  
無朕一有窒而不通則於理爲妄正蒙之言高  
者抑之卑者舉之虛者實之礙者通之衆者一  
之合者散之要之立乎大中至正之矩天之所  
以運地之所以載日月之所以明鬼神之所以  
幽風雲之所以變江河之所以流物理以辨人

倫以正造端者微成能者著知德者崇就業者  
廣本末上下貫乎一道過乎此者淫遁之狂言  
也不及乎此者邪詖之卑說也推而放諸有形  
而準推而放諸無形而準推而放諸至動而準  
推而放諸至靜而準無不包矣無不盡矣無大  
可過矣無細可遺矣言若是乎其極矣道若是  
乎其至矣聖人復起無有間乎斯言矣其篤信  
師說而善發其蘊如此

先生師聖侯先生

馮少墟集

卷廿一

關學編

世

先生名仲良字師聖華陰人二程先生舅氏無  
可之孫從二程先生游人有欲館先生者先生  
造焉則辟垂佛像几積佛書其家人又常齋素  
欲先生從之先生遂行或問之曰蔬食士之常  
分若食彼之食則非矣不日矣無不盡矣無大  
嘗訪周濂溪濂溪留之對榻夜談越至曉而整  
三日乃還自謂有得如見天之廣大伊川驚異  
其不凡曰非從濂溪來邪後遊荆門胡文定留  
與為隣終焉文定與楊大諫書云侯仲良者去



春自荆門潰卒甲馬之中脫身相就于漳水之濱今已兩年其安于羈苦守節不移固所未有至于講論經術則貫通不窮商略時事則纖微皆察國勢安危民情休戚凡務之切于今者莫不留意而皆曉也方危艱難之時而使此輩人老身貧賤亦足慨矣伏望吾兄力薦于朝俾命以官使得效一職亦不為無補朱文公稱其學清白勁直所著有論語說及侯子雅言行世按伊洛淵源錄稱先生為華陰先生無可之孫即

馮少墟集

卷廿一

關學編

世三

當書為華陰人而云河東人豈金陷關洛時先生曾避難河東耶學者詳之

天水劉先生

先生名愿字天水人天資耿介時王安石新書盛行學者靡然向風先生獨不喜穿鑿附會之說潜心伊洛之學後以八行舉

關學編卷二

金

君美楊先生

先生名天德字君美高陵人肄業大學登興定二年進士第釋褐補博州聊城丞未及赴辟陝西行臺掾尋權大理寺丞繼擬主長安簿未幾正主慶陽安化簿尋辟德順之隆德令再辟安化令補尚書都省掾遷轉運司支度判官京城不守流寓宋魯間十年而歸長安先生自讀書入仕至于晚歲風節矯矯始終不少變亂後士夫或不能自守而先生于勢利藐然如浮雲晚讀大學解沿及伊洛諸書大嗜愛之常語人曰

馮少墟集

卷廿一

關學編

卅四

吾少時精力奪于課試殊不省有此今而後知吾道之傳為有在也埋沒篆刻中幾不復見天日目昏不能視書猶使其子講誦而朝夕聽之以是自樂及有疾親友往問之談笑歌詠不衰曰吾晚年幸聞道死無恨矣卒年七十九魯齋許先生衡誌其墓銘曰出也有為死生以之處也有守不變于時日臨桑榆學喜有得其知益精其行益力吾道之公異端之私瞭然胸中洞析毫釐外私内公息邪距詖俯仰古今可以無

愧受全于天復歸其全尚固幽箴無窮哉手于  
恭懿益昌其家學為元名儒別有傳

元許紫陽楊先生

鑑山宋氏附

先生名奐字煥然號紫陽乾州奉天人母程嘗

夢東南日光射其身旁一神人以筆授之已而

生先生父振以為文明之象因名曰奐天性至

孝年十一喪母哀毀如成人未幾夢遊紫陽閣

景趣甚異後因以自號長師鄉先生吳榮叔迥

馮少墟集 卷廿一 關學編 卅五

出倫輩讀書厭科舉之學遂以濂洛諸儒自期

待金末嘗作萬言策指陳時病辭旨剴切皆人

所不敢言者詣闕欲上之不果元初隱居講道

授徒抵鄆縣柳塘門生百餘人荆紫陽閣即清風閣

稱紫陽先生嘗避兵河朔河朔士大夫想聞風

采求見者應接不暇東平嚴實聞先生名數問

其行箴先生終不一詣歲戊戌太宗詔宣德稅

課使劉用之試諸道進士先生試東平兩中賦

論第一以耶律楚材薦授河南路徵收課稅所

長官兼廉訪使既至招致一時名士與之議政  
事約束一以簡易爲事按行境內親問監務月  
課幾何難易若何有以增額言者先生責之曰  
剝下欺上汝欲我爲之耶卽減元額四之一公  
私便之不踰月政成時論翕然謂前此漕司未  
有也在官十年請老于燕之行臺壬子世祖在  
潛邸驛召先生叅議京兆宣撫司事累上書請  
歸築堂曰歸來以爲佚老之所教授著述不倦  
乙卯病革諭子弟孝弟力田以廉慎自保戒家  
馮少墟集

卷廿一

開學編

廿一

人無事二家齋醮引觴大噓命門人負擇載筆  
留詩三章怡然而逝年七十賜謚文憲先生博  
覽強記真積力久猶恐不及作文務去陳言以  
蹈襲爲耻一時諸老皆折行輩與之交關中號  
稱多士一時名未有出先生右者不治家人生  
產業而喜周人之急雖力不贍猶勉強爲之人  
有片善則委曲稱獎惟恐其名不聞或小過失  
必盡言勸止不計其怨怒也初翰林學士姚燧  
早派育于世父樞樞督教甚急先生馳書止之

曰燧令器也長自有分何以急為乃以子妻之  
燧後為名儒其學得于先生為多元好問課神  
道碑稱為關西夫子江漢趙復序其集稱其志  
其學粹然一出于正即其文可以得其為人其  
見重如此所著有還山前後集百卷天興近鑑  
三卷韓子十卷槩言二十五篇硯纂八卷北見  
記三卷正統書六十卷時宋規字漢臣長安人  
與紫陽及遺山鹿菴九山數儒論道洛西弟子  
受業者甚衆親歿廬墓瑞草生瑩閭復嘗稱之

馮少墟集

卷廿一

關學編

廿七

曰天性至孝德重三秦才贍而敏冠絕一時中  
統戊戌徵試中論賦兩科拜議事官先是官吏  
縱肆日又數侵苦小民公繩之以法惕然皆莫  
敢犯丙辰春詣闕陳便宜數事上悉加納廉希  
憲云宋規循良可與共事希憲相知公有經濟  
才議欲為列有嫉其文章名世者沮之署為講  
議官不就後徵為耀州戶官至蜀道憲副政聲  
在在著聞號鑑山先生有鑑山補暇集梓行于

世年七十七卒

元甫楊先生

先生名恭懿字元甫號潛齋高陵人天德之于  
自少讀書強記日數千言會時艱從親逃亂而  
東于汴于歸德于天平雖間關險阻未嘗怠弛  
其業年十七侍父西歸家貧假室以居鄉鄰或  
繼其匱皆謝不取惟服勞以為養暇則力學博  
綜于書無不究心而尤邃于易禮春秋思有纂  
述耻為章句儒而止志于用世反覆史學以鑒  
觀古昔興亡之事從學者已眾海內搢紳與父  
馮少墟集

卷廿一

關學編

廿

友者馳書交譽卽以宗盟斯文期之年二十四  
始得朱子四書集註太極圖小學近思錄諸書  
讀之喜而嘆曰人倫日用之常天道性命之妙  
皆萃此書今入德有其門進道有其途矣吾何  
獨不可及前修踵武哉于是窮理反躬一乎持  
敬優游馱馱俟其成功于潛齋之下自任益重  
前習盡變不事浮末矣赫然名動一時宣撫司  
行省以掌書記共議事辟之皆不就至元七年

與魯齋許文正公同被召先生不至魯齋由國

子祭酒拜中書左丞日于右丞相安童前稱譽其賢丞相以聞十年帝遣協律郎中敬來召以疾辭十一年太子下教中書俾如漢惠聘四皓故事再聘之丞相遣郎中張元智為書致命不得已乃至京師帝遣國王和童勞其遠來既入見帝親詢其鄉里族氏師承子姓無不周悉詔與學士徒單公履定科舉之法先生議曰三代以德行六藝實與賢能漢舉孝廉兼策經術魏晉尚文辭而經術猶未之遺隋煬始專賦詩唐

馮少墟集

卷廿一

關學編

廿九

因之使自投牒貢舉之法遂熄雖有明經止于記誦宋神宗始試經義亦令典矣哲宗復賦詩遼金循習將救斯弊惟如明詔嘗曰士不治經學孔孟之道日為賦詩空文斯言足立萬世治安之本今欲取士宜勅有司舉有行檢通經史之士使無投牒自薦試以五經四書大小義史論時務策夫既從事實學則士風還淳民俗趨厚國家得識治之才矣奏入帝善之會北征辭

歸十六年詔安西王相敦遣赴闕詔與太史王

恂等改曆明年曆成授集賢館學士兼太史院  
事辭歸當曆成進奏曰諸臣方列跪帝命先生  
及魯齋起曰二者自安是年少皆受學汝者故  
終奏皆坐畢其說蓋異禮也二十年以太子賓  
客召二十二年以昭文館大學士領太史院事  
召二十九年以議中書省事召皆辭疾不行三  
十一年卒年七十先是魯齋提京兆學與先生  
為友一遇講貫動窮日力篤信好學操履不苟  
魯齋亟稱之父歿水漿不入口者五日襄事遵

馮少墟集

卷廿一

關學編

四

朱文公家禮盡祛彘門惑世之法為具不足稱  
貸益之魯齋會葬歸語學者曰小子識之曠世  
墜典夫夫特立而獨行之其功可當肇修人極  
聚居六年魯齋東歸後治母喪一如父三輔士  
大夫知由禮制自致其親者皆本之先生云蕭  
維斗輿誌其墓曰朱文公集周程夫子之大成  
其學盛于江左北方之士聞而知者固有其人  
求能究聖賢精微之蘊篤志于學真知實踐主  
乎敬義表裏一致以躬行心得之餘私淑諸人



繼前修而開後覺粹然一出乎正者維司徒暨  
公司徒謂魯齋也學士姚燧撰神道碑銘曰維  
天生賢匪使自有俾拯烝民爲責已厚公于明  
命實肩實負乾乾其行良良其守師古喪祭如  
禮不苟三綱之淪我條自手推得其類無倦誨  
誘學者宗之西土山斗皇慶中贈榮祿大夫太  
子少保弘農郡公謚文康所著有潛齋遺稿若  
干卷子寅字敬伯博通六經百氏累官集賢學  
士國子祭酒在成均講明誨誘終日忘倦有父  
馮少墟集

卷廿一

關學編

四

維斗蕭先生

伯充呂氏附

先生名勳字維斗號勤齋奉元人天性至孝自  
幼翹楚不凡長爲府史語當道不合卽引退讀  
書終南山力學三十年不求進制一單衣由身  
半以下及臥輒倚其榻玩誦不少置於是博極  
羣書凡天文地理律曆筭數靡不研究侯均謂  
元有天下百年惟蕭維斗爲識字人學者及門  
受業者甚衆鄉里乎化稱之曰蕭先生鄉人有

自城暮歸者途遇寇詭曰我蕭先生也寇驚愕  
釋去嘗出遇一婦人失金釵道旁疑先生拾之  
謂曰殊無他人獨公居後耳先生令隨至門取  
家釵以償其婦後得所遺釵媿謝之世祖初分  
藩在秦用平章咸寧王野仙薦徵侍藩邸以疾  
辭授陝西儒學提舉不赴省憲大臣卽其家具  
宴為賀遣一從史先往先生方灌園從史不知  
其為先生也使飲其馬卽應之不拒及冠帶迎  
客從史見有懼色先生殊不為意後累授集賢

馮少墟集

卷廿一

關學編

四

直學士國子司業改集賢侍讀學士皆不赴武  
宗初徵拜太子右諭德不得已扶病至京師入  
覲東宮書酒誥為獻以朝廷時尚酒故也尋以  
病請去或問其故則曰在禮東宮東面師傳西  
面此禮今可行乎俄除集賢學士國子祭酒諭  
德如故固辭歸年七十八以壽終于家謚貞敏  
劉致謚議畧云聖王之治天下也必有所不召  
之臣蓋志意修則輕富貴道義重則輕王公矜  
脫塵埃之中翱遊萬物之表不事王侯高尚其

事者以之傳曰舉逸民天下之民歸心焉故必  
蒲車旌帛側席以俟其至冀以勵俗興化猶或  
長往而不返亦有既至而不屈則東帛幾幾黃  
于丘園者治天下者以之也于吾元得二人焉  
曰容城劉因京兆蕭巘士君子之趣向不同期  
各得所志而已彼不求人知而人知之不希世  
用而世用之至上徹帝聰鶴書天出薜蘿動色  
巖戶騰輝猶堅卧不起不得已焉始一至卒不  
撓其節不隳所守而去亦可謂得所志也已方

馮少墟集

卷廿

關學編

四

之于古則嚴光周黨之流亞歟雖其道不周於  
用而廉頑立懦勵俗興化之功亦已多矣且其  
累微而不起斃出而即歸不既貞乎以動自居  
其好古好學之心不既敏乎按謚法清白守節  
曰貞好古不怠曰敏請謚曰貞敏詔從之先生  
制行甚高真履實踐其教人必自小學始為文  
立意精深言近指遠一以洙泗為本濂洛考亭  
為據闢輔之士翕然宗之稱為一代醇儒門人  
涇陽第五居仁平定呂思誠南陽李本魯翀為

最著所著有三禮說小學標題駁論九州志及  
勤齋文集行世時有呂壘字伯充其先河內人  
金末父佑避亂關中因家焉伯充從許魯齋學  
魯齋為祭酒舉為伴讀輔成教養其故居多至  
元間為四川行樞密院都事勸主帥李德輝不  
殺巴人感德祠之知華州勸農興學俱有成效  
累官翰林侍讀學士致仕卒追封東平郡公謚  
文穆大德中河東關隴地震月餘伯充與維斗  
各設問答數千言以究其理居父憂喪葬一倣  
馮少墟集

卷廿一

關學編

四

古禮魯齋貽書稱其信道力行為揚元甫之亞  
云

寬甫同先生

先生名恕字寬甫號架菴奉元人祖昇父繼先  
博學能文廉希憲宣撫陝右辟掌庫鑰家世業  
儒同居二百口無間言先生安靜端凝羈州如  
成人從鄉先生學日記數千言年十三以書經  
魁鄉校至元間朝廷始分六部選名士為吏屬  
關陝以先生貢禮曹辭不行仁宗初即其家拜

國子司業階儒林郎使三召不起陝西行臺侍  
御史趙世延請卽奉元置魯齋書院中書奏先  
生領教事制可之先後來學者殆千數延祐設  
科再主鄉試人服其公六年以奉議大夫太子  
左贊善召入見東宮賜酒慰問繼而獻書歷陳  
古誼盡開悟涵養之道明年春英宗繼統以疾  
歸致和元年拜集賢侍讀學士以者疾辭先生  
之學由程朱上溯孔孟務貫浹事理以利于行  
教人曲爲開導使得趨向之正性整潔平居雖

馮少墟集

卷廿

關學編

五

大暑不去冠帶母張卒事繼母如事所生父喪  
哀毀致目疾時祀齋肅詳至嘗曰養生有不備  
事有可復追遠有不誠是誣神也可這罪乎與  
人交雖外無適莫而中有繩尺里人借騾而虎  
償其值不受曰物之數也何以償爲家無擔石  
之儲聚書數萬卷扁所居曰架庵時蕭先生輿  
居南山下亦以道高當世入城府必主先生家  
士論並稱曰蕭同自京師還家居十有三年中  
外縉紳望之若景星麟鳳鄉里稱爲先生而不

姓至順二年卒年七十八贈翰林直學士封京兆郡侯謚文貞所著有架庵集二十卷

從善韓先生

先生名擇字從善奉元人天資超異信道不惑其教學者雖中歲以後亦必自小學等書始或疑為凌節勤苦則曰人不知學白首童心且童蒙所當知而皓首不知可乎尤邃禮學有質問者口講指畫無倦容士大夫遊宦過秦必往見先生莫不虛往而實歸焉世祖嘗召之疾不果

張少虛

卷廿一

關學編

四

行其卒也門人為服紀麻者百餘人

伯仁侯先生

先生名均字伯仁蒲城人父母蚤亡獨與繼母居賣薪以給奉養積學四十年羣經百氏無不淹貫每讀書必熟誦乃已嘗言讀書不至千遍心手已無益故其答諸生所問窮索極探如取諸篋笥名振關中學者宗之用薦者起為太常博士後以上疏忤時相意即歸休田里先生貌魁梧而氣剛止人多嚴憚之及其應接之際則

和易款洽雖方言古語世所未曉者莫不隨  
而答世咸服其博聞云今祀蒲城鄉賢祠

士安第五先生

先生名居仁字士安涇陽人幼師蕭維斗軒弱  
冠從同寬甫恕受學博通經史躬率子弟致力  
農畝而學徒滿門其宏度雅量能容人所不能  
容嘗行田間遇有竊其桑者先生輒避之鄉一  
高其行義率多化服作字必楷整遊其門者一  
惟學明而行加修焉卒之古門人相與議易

馮少虛

卷廿一

蘭亭編

四七

之禮私謚曰靜安先生

悅古程先生

先生名瑁字君用號悅古涇陽人隱居不仕弱  
冠即以古學自力討論六籍雖祁寒暑雨造次  
顛沛未嘗少輟三原李子敬創學古書院延以  
生講學其中遠近從遊者百餘人循循然樂以  
不倦學者稱悅古先生嘗誡諸子曰人性本善  
習之易荒古聖賢皆以驕惰為戒况凡民乎佳  
家戒一卷以遺子孫著述有遼史三卷異端

二卷雲陽志二卷樂府文集傳世李子敬字恭甫為人質謹孝友家素裕族黨因其資而葬者三十餘喪婚者八十餘姓捐千金創學古書院又割田以供釋奠廩師生學士蕭貞敏公為記行省上其義下詔旌表其門

卷廿一

附學編

四



許省上其義下詔旌表其門  
又贈田以修學  
三十餘喪  
三十餘姓  
又割田以  
行省上其  
義下詔旌  
表其門



馮少墟先生集後序

蓋橫渠先生之言曰為天地立心為生  
民立命為往聖繼絕學為萬世開  
之數言者古未嘗有是言之自橫渠先  
生始生乎先生之後者無論聰明俊傑  
之士即微有知識少能嚮往者靡不  
慕之亟稱之以為人生斯世必如是必

馮恭定全書

序

一

如是蓋憾不于其身親見三者是人之  
情大抵然也審若是宜其率吾之性盡  
吾之才舉一世置之清寧安阜之域又  
揭斯道于中天令世世成永賴之休俾  
先生之言一一皆有明驗成效焉斯為  
不負先生者願迨其一時意氣之感激  
雖如此迨考其生平之謬戾竟如彼始

未嘗不欲立心寬也反傷其心初未嘗不欲立命率也及戕其命徃聖之絕學匪惟不繼大亂其真者比比皆然萬世之太平匪唯不開釀世之亂者歷之可數豈橫渠先生言之必不可行失之大而誇者耶而非然也行基之言言肖之其心辨者其詞確其詞確者其績著

蓋若影之從形聲之應響無一不脗合焉者胡以徵之則今關中少墟馮先生所著之書是也先生生同橫渠之鄉中和之氣獨稟其全純粹之精尤擅其美曰道曰德和矣順矣義之縷析各一條理曰理曰性窮矣盡矣命之根極處一一徹至質之千聖合若符節通之萬

靈毫無遺憾見地真不可階升縱使吾  
先聖再起必無間然也矣時泰風膺天  
罰兩耳聾之幾五十年藉前脩遺訓開  
賞毫愚蒙其于先生雖私游之勤終秦  
楚之限頃述天幸祝鶴脩年之惠以全  
書朝夕研窮竊謂先生之言贊之橫渠  
之四為蓋已見之行事深切著明殆匪

馮恭定全書

序賀

三

載之空言者比何者天地之心亟宜立  
矣頌天地之心何在人心是也人心必  
有理以主張之而後不至於顛倒錯亂  
太極默運履載生成其顯記也先生之  
言曰佛氏以理為障一切總歸于空所  
以無感時似與吾儒同一有所感便顛  
倒錯亂依蘊落于世味中而不可救藥

夫人心至是幾不立矣知人心便知天  
地心自先生斯言出舉凡人心皆有以  
自持其不至于高卑易位東西易面者  
胥由之矣是天地之心無能自立先生  
為之立之也生民之命亦宜亟立矣命  
附人之身心天覆之地載之鬼神鑒之  
魂夢驗之命不立者心不屬身魂不附

馮恭定全書

序  
賀

四

體神視其魄鬼叢其祟而大命傾矣生  
生池陽之講不惟士人興起即里巷小  
民咸擁輿聚觀候門竊聽欲得一二語  
終身誦之先生因出所刻做個好人心  
正身安魂夢穩行些善事天知地鑒鬼  
神欽舊對一聯示之于是眾共朗念歡  
然稽首而去此段光景立之斯立詎不

親見即一邑寰宇可推是生民之命向  
胡偃仆顛損今胡振奮激昂先生為之  
立之也位聖之學湮殘如綫誰與繼之  
唯不知學之當講夫是以學絕不繼先  
生曰天下事各有職今一毫越俎不得  
只是講學一事無論窮達人人都是當  
講的人人都是有今的說不得越俎故

馮少墟集

序

五

曰自天子以至于庶人壹是皆以修身  
為本斯言也一細味之誰不猛省奮發  
舉泄聖之學既絕而復續者皆自先生  
之一言始非先生為之繼之而誰為也  
太平非小補之勳萬世非旦暮之近若  
之何以開之先生集中載王安石一段  
正與開太平相反者其言曰世之論安

石者曰執拗曰自是此皆是病症非是  
病根安石志大才高學博目空將古今  
聖蹟都看不上以為堯舜維是聖帝而  
疆域甚隘禹湯文武維是聖王而享國  
不過數百年孔孟維是大聖大賢而亦  
不能使春秋戰國為唐虞三代都是迂  
濶了須是富國強兵開疆拓土名利兼  
馮恭定全書

序頁

六

收做古今第一個有用的聖人幹古今  
第一件有用的功業且宋室國弱兵寡  
全被韓范富歐及趙抃程張諸迂濶人  
把國家事耽閣了須是得這等敢做敢  
為不怕人議論不說迂濶話人如呂惠  
卿章惇蔡京輩才幹得實事才做得出  
大功業其心以為待我事功成時方且

格天地光祖宗使人人稱頌一時天寥  
何足畏祖宗何足法人言何足恤哉安  
石不是有心禍天下只是學術主意差  
了所以自誤誤人國家耳夫安石神髓  
盡在此處先生搜之抉之如視諸掌然  
則安石之學一世不用一世之太平開  
萬世不用萬世之太平開是先生為萬  
世開太平又如此者由斯以談橫渠先  
空之四為快論也先生各指其所自出  
如水之有原如病之有因身斯世斯道  
之責者率而由之太和自在宇宙間矣  
昔之稱揚橫渠先生者曰一變至道若  
先生夫固從容中之者也其善豈非

國朝之元龜斯文之正印耶抑又因是

而竊有感焉先生報一友人書簡末云  
昨因賤恙不能盡談別來體驗此心覺  
過不吝然不為門下一言此心亦覺過  
不去即此是良知也門下以為何如引  
而伸之全集中允體天地之撰通神明  
之德順性命之理類萬物之情保種  
與人為善處不啻數百萬言諸名公前

馮恭定全書

序

八

序洋洋之繼之昭揭闡揚備矣恭伏而思  
之是皆先生此心過得去者殘廢人七  
十有二筆研久氣不揣而強綴繁言非  
騰口也要必如是方于此心過得去敢  
僭筆之用以告夫允讀先生之集者亟  
宜知先生之心也時

萬曆四十五年歲次丁巳夏五月望



江夏聾老人賀時恭頌首拜書

09677

馮恭定全書

序賀

九



知先生... 集考... 馮恭定全書... 序賀... 九

